

সূত্র

প্রিন্ট: ১৭ মে ২০২৫, ১১:০৬ এএম

শিক্ষাঙ্গন

জাবি প্রশাসনের বিরুদ্ধে তথ্য পাচারের অভিযোগ, তদন্তে কমিটি গঠন



জাবি প্রতিনিধি

প্রকাশ: ১৭ মে ২০২৫, ১০:১৬ এএম



ফাইল ছবি

জাহাঙ্গীরনগর বিশ্ববিদ্যালয় (জাবি) প্রশাসনের বিরুদ্ধে শিক্ষার্থীদের তথ্য একটি ছাত্র সংগঠনের কাছে পাচার করার অভিযোগ উঠেছে। এ অভিযোগের সত্যতা যাচাইয়ের জন্য ফ্যাক্ট ফাইন্ডিং কমিটি গঠন করা হয়েছে।

শুক্রবার গভীর রাতে বিশ্ববিদ্যালয়ের জনসংযোগ অফিসের পরিচালক (ভারপ্রাপ্ত) ড. মহিউদ্দিন আহমেদ স্বাক্ষরিত প্রেস বিজ্ঞপ্তিতে এ তথ্য জানানো হয়।

এতে বলা হয়, অভিযোগটি অত্যন্ত গুরুতর এবং তা ইতোমধ্যে প্রশাসনের নজরে এসেছে। তাৎক্ষণিক প্রতিক্রিয়ায় প্রশাসন শুক্রবার রাত ১০টায় এক জরুরি সভায় বসে এবং তিন সদস্যের একটি ফ্যাক্ট ফাইন্ডিং কমিটি গঠন করে। কমিটিকে আগামী আট কর্মদিবসের মধ্যে প্রতিবেদন জমা দেওয়ার নির্দেশ দেওয়া হয়েছে।

ফ্যাক্ট ফাইন্ডিং কমিটির সভাপতির দায়িত্ব দেওয়া হয়েছে কম্পিউটার সায়েন্স অ্যান্ড ইঞ্জিনিয়ারিং (সিএসই) বিভাগের অধ্যাপক ড. মোহাম্মদ জাহিদুর রহমানকে। সদস্য হিসেবে রয়েছেন অধ্যাপক ড. এমদাদুল ইসলাম এবং সদস্য সচিব হিসেবে দায়িত্ব পালন করবেন আইসিটি সেলের প্রোগ্রামার মো. রেজাউল আলম।